



11. august 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1. Qaqugu pisortat pigisaannik aktiaateqarfiusuni ataatsimeersuartitsinernik ingerlatsinissaq Naalakkersuisut naatsorsuutigaa?**
- 2. Ataatsimeersuartitsinerni sammisat suut Naalakkersuisut qaqinniarpaat – assersuutigalugu aqutsinermut, ingerlatsinermut siunissamilu ineriartornernut tunngatillugu apeqqutit, tassunga ilanngullugit;**
 - a. Siulersuisunut aqutsisunullu sunniuteqartussat oqaluuserineqarniarnersut,**
 - b. Naalakkersuisut piginnittutut ingerlaqqinnissamut tunngatillugu suut annertusisatut piumasaqaatigissaneraat,**
 - c. Qaqortumi Ilulissanilu mittarfiit assingusunik nalaataqannginnissaat pillugu Naalakkersuisut qanoq qulakkeerinninniarnersut?**

(Inatsisartunut ilaasortaq Erik Jensen, Siumut)

Tunngavilersuut:

Nuummi timmisartut mittarfianni uteqqiasumik ajornartorsiuteqartarnera - oorlu kinguaattoornerit annertuut, sivisuumik utaqqisitsinerit aammalu angalasut sila pissutiginaagu eqqugaasartut eqqarsaatigalugit – tunngavissaqarpoq Greenland Airportsip suliaassanik qanoq ingerlatinnera aqutsinalu tunngaviusumik apeqqusissallugit.

Siumut siusinnerusukkut avammut nalunaaruteqarpoq ingerlatseriaatsimut kukkunerit aammalu amigaataasut arlalippassuit pillugit (Sermitiaq.AG, 11. juli 2025), aamma Naalakkersuisut kajumissaarlugit immikkut ittumik ataatsimeersuartitsinissamik aggersaassasut. Kajumissaarut taanna Naalakkersuisut Siulittaasuata oqaaseqaatigaa tapersorsorlugu (Sermitiaq.AG, 15. juli 2025), uppersarsarlugulu suliffeqarfiup iluani unammilligassat annertuut pigineqartut, aamma



ataatsimeersuartitsinissat pilersaarutigineqartut – Greenland Airports kisimi tamatumani pineqarani, aammali Namminersorlutik Oqartussat pigisaannut allanut tamanna atuuttoq.

Tamakku saniatigut oqaatigineqarpoq, timmisartuussinermut tunngasutigut inuiaqatigiinni tatiginninneq innarlernaveersarneqartariaqartoq, aammalu piginnittut suliffeqarfinnut piumasaqaataat annertusineqartariaqartut. Aammattaaq erseqqissarneqarpoq Greenland Airportsip siulersuisui kukkuluttornerit uteqqiannginnissaanut immikkut annertusisamik akisussaaffeqartut.

Apeqqutigineqartut ullut suliffiusut qulit iluanni akeqquneqarput.